

宋詩紀事補遺

宋詩紀事補遺卷之九十

歸安陸心源伯剛父輯

鄒莖夫

尹氏觀

不嫁當年自薄情一朝跨鶴上青冥人間有女能如

此羞殺天邊織女星

廣西通志勝蹟

鄒毅

曹山

白雲深處到林丘曹洞根深地更幽聖隱巖前山杳
杳迴龍亭下水悠悠涼侵客枕秋風活光抱禪關桂

宋詩九十

影秋塵足未堪康樂屐得閒聊伴省郎遊

撫州府志

游君傳

吳塘晚泊

一

西風吹客鬢孤坐欲銷魂
埜棹他鄉客酒旗何處村
稻隨秋雨熟水帶晚潮渾
寂寞吳塘路塵沙望眼昏

待潮沙岡

待潮舟閣淺邊岡少憇
田園竹樹涼數點
美秋疎雨

過槿花籬落帶斜陽

嘉定縣志

歐陽建世

遊金庭觀

右軍平昔愛觀鵞，尙有池塘聚綠波。但見當時塵跡在，徘徊終日對嵯峨。

剡錄

通天巖

每逢勝境便留神，一路桃花別漢秦。遶剡苔封高士蹟，臨溪客問野人津。紆回松竹看非俗，羅列山川識有真。踏遍嶺頭天尺五，飄飄已覺迴風塵。

舊江西通志

金疎

荔枝

金狄門前拜詔新，白龍臺下擁朱輪。蕉花雨裏千兵

路，荔子風中萬馬塵。

輿地紀勝

岑津

題韓左軍馬圖

左輔周垣隱白沙龍媒絕種進天家
驕嘶玉勒憐豐草渴飲冰泉帶落花
西狩還經千里棧東巡會駕五雲車
權奇滅沒猶驚電漫許拳毛世特誇

書畫彙考

林通叟

華陽洞

華陽山雨拂輕塵獨步烟霞訪隱真
笑傲太平雲外客安閑清世夢中身
金章名重人稱貴布褐才高道不貧
吟罷洞天風正淡自知凡骨定逢人

景定建康志

林小山

新婦石 新興

瘦骨峻嶒立海湄綠苔曾是嫁時衣江郎去作三衢

客目斷天涯竟未歸 肇慶府志

林穀

龍隱洞

崢嶸頭角隱何年直露靈光在此間天下蒼生方引

領好施膏雨潤人寰 廣西通志山川

林嘉仲

福清人

虎溪

山澗青連海溪長綠繞城規模唐故郡絃誦魯諸生

又

白日經簷短風霜吹客衣梅梢驚歲晚沙際看春歸

福甯府志

林誠仲

遊瑞巖

巖半松門敞不開芒鞋竹杖重躋攀天涵鑑水澄清
裏人入披雲杳藹間燒藥爐寒烟草碧鐫詩石古雨

苔斑干戈滿目何從適日日青山共往還

福州府志

嚴諷

高要人宋特科知韶州

贈外舅伍奉議

五馬歸來林下清，挂冠省悟著禪局。仙遊雙履同西

去，衣鉢傳來千佛經。

粵詩
蒐逸

德慶州志：伍仕階，州之晉康人，累官奉議郎，知封川，秩滿挂冠東歸。性耽元寂，自適其志。其壻嚴諷，知韶州，贈以詩云：云其子孫俱以忠孝顯，運使同鄉李伯先。贈詩亦有一門萃忠孝，竹帛寫家聲句。

嚴中和

號月澗

失題

山中道人不裹巾一片石床生綠鱗昨夜瓦瓶冰凍
破梅花無水自精神

失題

梅天雨氣入簾櫳衣潤頻添拍火烘四月江南無矮
樹人家都在綠陰中

失題

一聲杜宇三更後向曉綠陰連碧苔卻恨樓高春數
尺柳綿飛不上牕來

句

樹影踏不散花香嗅卻無

樹老柳遮塔雨多春礙船
澗水活不凍山楓老自靈

題畫扇

□□□□鸞背濕銅彝煎腦鴨心香

嚴敦常

壽開府

季冬雨十雞鳴初僚吏府造如雲趨綉軸捧星香擁
爐其慶此日生真儒玉堂金印守此都今日爲城鎮
匈奴坐安天下猶覆孟祝公之壽宜何如欲祝公如
九臯鶴鶴頸雖長畏縉繖欲祝公如千歲龜清江作

使身亦危又祝公如松與栢樵斧焉知歲寒色剛莫
剛兮赤山鍊鍊作干將有時缺堅莫堅兮泰山石溜
湓波穿有時勒不若祝公如太虛包含千古无時无
任馳玉兔飛金烏暑往寒來速又徐髮常如漆齒常
固太虛不老君與俱

截江
網

巖 庾

題東龕院

晚西寒雨溫黃昏愛睡山僧已閉門獨自倚欄還自
笑男兒心事與誰論

輿地
紀勝

董荆楚

瀛巖

巖根商舸集高危巖頂朱門小殿開未信瀛洲環弱
水始知鼇背負蓬萊青山到海重重小白鳥隨潮兩
兩來坐久松風吹骨冷此身渾覺在瑤臺

宋詩
拾遺

李夢呂

廣東人

鳳凰谷

羅浮絕頂凌蒼穹五雲飛繞蓬萊宮金烏玉兔出西
東鐵橋萬丈橫霽虹卧踞虎石龍蟠松異香不動烟
騰空餐霞飲露凡聖同水簾碎玉聲玲瓏桃花流出

片片紅碧梧翠竹環三峯天邊鳳鳥來離離仙風吹
入石洞中我欲呼之儀九重歌舞聖化同天功

粵詩
蒐遙

李延永

登岳陽樓

轉地傾荆水連天漲洞庭勢疑吞郡邑怒欲闢雷霆

輿地
紀勝

李君式

題梅山雲悅樓

無心出岫道人閑身在虛無縹渺閒可惜雲霓人在

望捲將雲雨入梅山

梅仙
觀記

李善美

大堤曲

酒旗相望大堤頭
堤下連檣堤下樓
日暮行人爭渡

急槳聲幽輒滿中流

輿地紀勝

李康年

武昌尉

自江夏登舟一夕而至

可笑幽航載歸夢
遲明身在武昌城

輿地紀勝

李當遇

右常侍

信美臺

零陵郡北雲帆落信美臺前江月明石淺風高灘瀨

急孤舟一夜聽寒聲

輿地紀勝

李彌素

白水寺

白水水逾白疎山山不疎林迷鐘遞響路久衲分裾

寤寐念邱壑征行懷簡書西來有意否試與問何如

宋詩拾遺

李景遙

躍馬泉

南山突兀橫青空。鹿豕禽魚得所宮。修鱗于此亦養
德。光怪夜發山川紅。風雲變化事已矣。獨有岷嶓留
餘雄。至今山泉脉四溢。噴薄聲撼枯枿楓。填然下與
石壁會。萬斛一竅投雲中。跳珠散玉虎鬚怒。烈日不
照霜雪融。前賢作亭久已廢。後俗爲弊詞相蒙。匡廬
老禪來立錫。攝衣思見前賢風。乃將爐峯三峽眼。坎
井聊視海若同。搜竒剔怪勇興創。我爲一洗學古胸。
叱開萬狀伏草獸。飛出百尺經天虹。桃花亂流春態
度。明月淨寫秋形容。豈無白蛟尙蟠蟄。靈犀不燬無
由通。平生赤手攬鯨鯢。長鋏自笑遺崆峒。邇來但餘

觀水志每到勝處難藏鋒欲借天瓢添半水醉騎赤

鯨訪龍公

宋詩拾遺

李傳

官江西提刑

題玉巖

雨餘山色一番新物態民情若遇春正好憑高飄逸
興便教避世出紅塵再登雲外通天路就見巖中慕
道人俯仰熙和都得意心推手舞喜逢辰

良時漸近一歸新人物熙熙樂此春石磴屈盤登絕
頂巖高虛寂斷纖塵登臨疑是壺中景談笑真同物

外人可是英靈招隱逸芳名千載起茲辰

宋詩拾遺

李晝

號晰翁臨邛人

白崖

洞戶陰陰八月寒濃口虛翠杳難攀露凝蘿蔓縣嬰
口風入杉松響佩環千古江山口口是百年榮辱此
身閑題詩口作沈碑計要與騷人一破顏

金石苑

李奎

太常博士知同州韓城縣事

司馬太史廟

生在龍門境葬臨韓奕坡荒祠隣后土孤塚壓黃河
瀟水愁聲遠梁山慘色多一言遭顯口將奈漢君何

又

著書雖已先三史論道如何後六經因雪李陵爲國
士豈期武帝有宮刑叢生荆棘迷墳塚舊畫龍蛇照
廟庭爲覽遺文來一奠不知何在子長靈

金石續編

李左史

仙跡巖

當時大姥立溪邊石上遺踪見宛然笑殺茂陵綏氏

跡只憑方士口中傳

建甯府志

李志成

遊濟瀆

水底微茫見貝宮
靈源直與海相通
晴人立冰壺
外春暖魚遊玉鑑中
鶴反松林巢夜月
神歸蓬島駕
天風裴公亭上行
吟處佗日重來興未窮

懷慶府志

李咸

遊均慶寺

一方靈跡兩峯閒
左右芒山與礪山
勝地昔曾鍾王
氣高僧誰此掩柴關
翬飛巍殿烟飯碧翠削層崖
苔
寺在千古英雄無處問
嶺頭依舊白雲間

礪山縣志

李彥博

官至提刑

潭嵐院

堆積嵐光照碧潭山前一寺號潭嵐四時想見無窮

景借問老僧能盡談

輿地紀勝

李長沙

贈談命嚴叔寓

平時已乘班揚筆暇處不妨甘石經吾里忻傳日邊

信君言頻中斗杓星

許華君壽作舉首并省魁果如所言

會稽夫子餘

詩禮巴蜀君平舊典型歷歷周天三百度更參璿玉

劉虞廷

載江網

李北之

玉山觀

巒岡經亘翠環中
中有山形如覆鏞
晉仙王郭曾登眺
名形嫫女金華同
懸崖積鐵數百尺
輪囷老木參天碧
時有金雞擊膊鳴
鏗鉤響通石屋石
屋去山三里餘潭
潭若有神龍居漁
人爬爬入深處聞
得山椒奏步虛山
趾有觀名玉山黃
冠分得葛仙班家
無担石四壁立披
風切月陪往還我
師率菴麗眉老故
園跨鶴迷仙鳥道
號良齋曾品題椽
筆特書爲摘藻

千載一遇邑大夫來問勝境形何模片言擬作詩中
句羞獻人家水墨圖倚風太息來何暮入境發揮方
得路願言葺理芟荷衣青天白日披雲霧

撫州府志

李梅磧

題蔣山

登臨要說六朝遺一箇乾坤幾合離豪傑已隨流水
去興亡只有此山知古松隔道招遊客丹樹斜陽話
舊時寄語老僧珍此壁百年後有古人詩

蘇江網

李子西

送白魚

秋江水落白魚肥正是蓴鱸入興時舉網得魚溪上路揮毫走兔簡中詩雅知賓幕饒供給何待儂芹薦歛私魯鬲楚魚羞不腆此誠只有孔門知

截江網

李山窗

贈談天

我坐詩窮子術窮十年湖海兩漂蓬子歸農圃吾歸釣此去懸知命可通

截江網

李潛真

遊麻姑山

凌晨特跨赤龍車御氣乘風下九衢金闕殿前朝玉

帝丹霞洞口謁麻姑朱絃未達鍾期耳青鳥空傳漢
殿書鏡笛一聲誰會得獨飛踪跡到仙都

重刻麻姑山志

李恭

桐廬人處士

合江亭

一絲風下碧雲天亭上窗開霽色鮮嚴子釣臺青樹
裏桐君丹竈白雲邊千家畫棟前朝屋百里清江過
客船瀟灑桐廬幾興廢野花山鳥自年年

桐廬縣志

李德馨

題九仙宮

倚天峭壁屹崔巍觸石飛湍怒震雷一鏡澄清涵宇
宙四圍空翠映樓臺煉丹道士老無寐跨鯉仙人去
不來掃却平生塵土夢此身便是小蓬萊仙遊縣志
史化堯

句

文仙亭與遠峯齊縱目憑欄似此稀輿地紀勝
史監

五臺山和韻

羣峰厯盡到巔巒極目清涼境界寬山入雁門眞設
險地藏佛國卽長安雨來絕澗自成響雲渡遠溪時

作園花落經臺鐘梵寂袈裟香靄翠雲蟠

山西通志

史少弼

鴈湖

梅艷凌霜帶雪餘露華洗盡玉生膚東方千騎催人

去聊折春風寄鴈湖

眉州屬志

呂昌明

句

豈惟藏兩蜀亦自限三巴

輿地紀勝

呂梲

越山亭

三山鼎峙多幽賞千里甌圓盡勝遊

注昔賢詠福唐詩千里若甌圓

興地紀勝

呂量

號石林道人

題韓幹馬

何年供奉仙寫此真乘黃矯矯天骨起爛爛隅目光
豈無萬里姿御者非王良青衫老奚官肉眼空悵悵
飲秣不以時羈馭無繇驤昂首思渥洼浩蕩充虛腸
何來斗斛水似是出尙方雖霑金井恩未效和鸞鏘
踟躕十二閑何異古道傍迴首萬鴛鴦飽食馳康莊

朝飲華清流暮垂紫游韁此馬獨棄捐物理良可傷
君王倘惠養請試首蒼長

書畫
景攷

許元信

湖北通城人

劉磐幕

幕阜山

山懸翠幙幾千丈我疑山頂卽天上捫蘿躡蹻到山
巔猶如平地上清天始知天高應無極幕阜蒼蒼一
卷石洞庭八古所傳對此遙看一鏡圓當此再上
三千丈那知天下有山川

通城
縣志

幕阜山

幕阜山高一千八百丈二十五洞大元天雪花飛滿
水衝石翠嶂撥開風卷煙金鯉一雙游碧沼石田三
畝產紅蓮我來絕頂無他事爲訪仙翁葛稚川湖南通志

許彌安

晉檜行

紫極宮中晉朝檜故老語我今千年盤根厚地龍蛇
走榦薄霄漢星斗懸元冬飛雪斷人跡貞姿不改平
時妍虬枝香葉翠如幄一子不落含蒼煙胡爲廣厦
構梁棟如此大材乃棄捐伊昔晉朝紛亂日衣冠南

渡依江堧風流王謝各幻化肝膽鐵石還依然

泉州府志

許杜叔

堆婆石

撐空疊石何嵯峨世傳其名曰堆婆乃在泐嶺之巔
吳山之阿我來於此少憇息借問父老元如何父老
爲言五代時有婆姓方氏結茅嶺巔兩鬢皤爲念往
來渴均施湯水無偏頗行人以此盡感激婆言吾亦
期無他早晚吾骨只堆此願將一石堆吾坡爾來迄
今四百載行人堆石不少差我亦拾石堆其塚旣行
且歎復逶迤今塚之高過石尺堆石亦已甯虛過乃

知一飲一滴水恩至久遠不可磨古人一飲在必報
如此傳說夫豈訛吁嗟俗世人乃道無恩波反恩以
爲讐此語愚已多我適來此秋向晚滿屨霜葉仍吟
哦因筆記此堆婆石慷慨爲賦堆婆歌

徽州府志

許表時

項羽廟

千載興亡莫浪愁漢家功業亦荒邱空餘原上虞姬
草舞盡春風未肯休

輿地紀勝

許中應

陪邑大夫登峴峯

晴曦發輕暑惠風蕩繁林驅車青郊路舉眺西山岑
隨流翫迴轉就陰便清深子規續哀響倉庚流好音
側徑旣窈窕層崖亦嶮巖石泉漱瓊瑤松風戛璚琳
雲間渺虛曠恍若韶濩臨水樂名其亭上有坡仙吟
泉甘淪新茗芹香侑清斟攀躋豈不勞景勝忘所任
夕陽忽在山清興浩難禁山靈應有約何時重來尋

東陽
縣志

宇文孝叔

錢塘人

題回山人畫像

仙踪久矣閉禪關忽遇高人喚得還創就琳宮依岌
業移來眞像帶爛斑路通遠浦重重水樓倚長松面
面山酌我一杯如有意坐令衰臉變朱顏

東林
山志

杜司直

送戴太博

永嘉戴侯文子自監廬陵郡繼守清江詔旨
趣便道之鎮邦人挽留莫遂長樂林某賦詩
敘別且以寬父老去思之懷

昨者題輿政未成隣封騎竹已歡迎朝翔忽看天邊
舉來去從教境上爭玉筍江山應改色青原風月未

忘情兩邦父老休啼哭總在甘棠蔭裏行

瓊佩霞裾雲錦裳胷中指塞貯琳琅詞章莫測波瀾
濶談笑惟圖書傳香與我多應隣臭味於人甯有別
肝腸一州斗大非公處蚤晚催歸白玉堂

截江網

杜如簾

昌溪水

險絕昌溪水如何亦問津命分毫髮地利役古今人
輿地紀勝

杜純祐

廊臺

兩載低眉著小冠一臺高築地平寬向陽花木齊教
放天下無春似此間

宋詩拾遺

伍餘幹

偕康子雍州季子東所遊虔州通天巖

山靈不爲紅塵掃仙寶玲瓏自天巧或開或合誰主
張元氣淋漓出蓬島壓服坡陀萬象高平鋪練帶三
江遶水西接軫到斜陽勒馬回口問遲早不見真仙
只爲仙猶嫌禿髮頭顱老三生豈必石點頭三晉何
口石言好行先之後更幾人龍奔虎噬爭雲擾吳山
但見楚山高豈知砥柱千金寶山崩雨蝕不知年各

得併幪各相口出門小吏驚且呼虔州刺史心生惱
急著歸鞭信馬蹄春風猶帶蘭香艸燒燈更上鬱孤
臺吳楚東西春未了

宋詩拾遺

魯君錫

汴陽人

留題龍華僧院放懷閣

公餘閑步山陰寺小閣臨崖面竹開我欲放懷口口
口故鄉消息未曾來

石刻

烏允卿

新城尉

碧沼寺

精舍蕭然絕世塵登臨漸覺爽精神
庭連翠島松篁暗沼接清流瀑布
新高潔白雲長作侶幽閒明月每
爲親開牕更有銷煩景猿鶴無機
解伴人

新城志

尹恕

安成人官行人

三溪

三溪溪水別原委長日波光蕩無已
曲折有如九迴腸合滙門前清徹底
只看秀色照眼明溪上閒遊不倦
倦情何年得作逋榮客好結芳隣
一濯纓

武甯縣志

趙楷

字端文南嶽人

口中興碑

西風□□看浯溪玉潔摩空十丈碑不□開元久培
植可能靈舞善扶持斯文未泯今□□盛德之興彼
一時崖下漫郎應在否□□流涕手題詩

沅湘耆舊傳

趙福元

壽趙推官

天枝分秀藹璇杓光湧銀河半夜潮西母誕彌先十
日壽星頒朔恰三朝騎龍曾把黃金斧駕鳳旋登紫

玉霄兩國夫人榮有子慈宣不老瑞香飄

鬱葱佳氣曉籠天北斗傾霞入酒觥蓮炬金輝油幕

下蘭牙玉立寶香前衡山壽比閩山秀楚地人瞻福

地仙歲歲瑤池聞燕集蟠桃從此熟三千

澈江網

趙永言

紫麟峯

千仞奇峯薄上清葛洪於此尙留名紫麟瑞靄春風

煖白虎丹成夜月明點點蒼苔空有跡菲菲芳草輓

無聲高蹤回首今何在山水猶含萬古情

湖南通志山川

趙源

九日山中宴集

九日登臨老奈何強將幽恨寄悲歌
疲歆巾帽愁風動病著飢腸厭酒多
東嶺荒榛藏馬鬣西岩空榻鎖蜂窠
獨憐堂下千章木跨厯齊梁未改柯

南安縣志

宋詩九十

三

宋詩紀事補遺卷九十

門下士湖州府學生員李延适校

宋詩紀事補遺卷九十一

歸安陸心源伯剛父輯

趙恬齋

送梁府教赴括蒼任

聞得官期三月初此行最喜奉潘輿杏花風暖好覓
句槐影日長宜讀書垂世文章星有斗隨緣富貴水
成渠少須歲月朝天去半夜金蓮歸直廬

截江網

馬世德

冬日觀河清

邑宰崇明祀侵晨苦見邀未能乘快騎且復御輕輶

瑞應黃流碧晴清戾氣消今朝風日暖臨水且逍遙

山西通志

馬甲

燕湖

湖陰城上起新軒軒榜猶能記玩鞭只識黃鬚來入

夢不知紅日正當天

輿地紀勝卷十八

馬建中

鳧鷖亭

古豐千歲遠漢皇實此生雉堞皆榛棘故魏徙都城
縣宇構臺上臺基起秦嬴四繞半農桑前池澄流清

東偏特起亭題曰鳬鷺名傳是關令建下瞰連高甍
亭興二十載繼踵多賢英開軒敞眺望景超江湖并
春夏菱荷茂秋冬風月明政暇來登賞心虛厭簪纓
因觀立臺意期於仁化行博愛飛鳥游庠幾及羣氓
將使爲政者視物推斯誠暴虐將知禁典刑將就輕
今我來承乏治術擇未精境土皆陂澤彌年水害驚
賦入復增重務農難勸耕積有弊源深宣流孰爲更
安得鳬鷺樂均爾黎庶清年豐衣食足大雅歌太平

徐州府志

馬覺

鳴山

我來方自噤投宿寓鳴山立仗古所戒對山空厚顏

温州府志山川

蔣時中

貞義女祠

幼年曾讀貞女碑坐想潁水清漣漪試來江東弔李
白瓣香敬謁貞女祠平生不數子胥子鞭平進諸何
至此有金投瀨竟何爲當時豈爲將軍死

溧陽縣志

黃山觀

黃鶴山中黃鶴觀黃鶴仙人此修煉功成羽化歸丹

邱環佩珊珊度遙漢昔聞有鳥名令威去家千年今
來歸仙人一去不復返長松落雪秋霏霏

深陽縣志

蔣燮

碧雲洞

漢室真人已駕鴻空留洞府舊山中暮雲凝合元非
鑠俗骨腥羶自不通東火杖藜深杳杳袖椎敲石喜
譚譚若爲化作雙飛鳥得與郎官繼此風

富川縣志

蔣山卿

過象州

秦皇開象郡茲事已千年臺古埋秋草城荒起暮烟

江天雲漠漠石嶺月娟娟萬里慚漂泊因風懷昔賢

柳州府志

景希孟

官知巴川縣

巴川

二載巴川縣誰知是與非還鄉何所有載得一清歸

輿地紀勝

景泰

題西山寺樂淨軒

徑通花竹禪房寂雲臥衣裳晝夢閑

輿地紀勝

柳月礪

花山寺看黃山

翠色沈沈萬樹春
幽懷宜共竹爲鄰
黃山只在闌干外
谿閣雲深認不真

借得雲房半榻眠
三生夙結靜中緣
茶鑪謾著松枝

火趺坐蒲團聽夜禪

黃山志

冉居常

白帝廟

西南割據幾何年
長托威靈灑潏前
霸氣不隨天數盡
神祠猶壓地形偏
舟航歲晚方孤客
關塞山寒更

暮烟欲論興亡愁意緒持杯寂寞醉山川

到夔州

縹緲飛樓壓舊城年年來聽峽猿吟衣裳慣見秋風
冷夢寐常愁塞日陰霜露園林千古事波濤鷗鷺一
生心祇應庾信頻飄泊正坐江關緣分深

夔州試院呈諸公二首

它年蟲篆老書生謬向文闈預領衡敢道靈鼈嗟鼃
屬祇愁汪馬賦崢嶸舊傳錦樣心雖愧新揀沙金眼
自明收拾荒莊逃謗去升沈腳跡任諸英

粉袍切勿笑冬烘且踏燒殘鼠尾蹤總是炎蒸同造

榜某舊以不妨衣鉢繼登庸雲移白帝鵬霄近月入

清秋桂子濃願得詞鋒倚天劍借君雷雨化蛟龍上以

夔州府志

范一飛

壽知宗

天工未放二陽生留得堯階一葉萸慶誕仙源貴公

子祥開南極老人星日隨宮線添無盡貌比莊椿看

更青歲歲華堂祝眉壽笙歌聲裏雪梅馨

載江網

范萬頃

弋陽客邸題壁

囊金遺失正茫然逆旅仁心盡付還從此弋陽添故事不教陰德擅燕山

輿地紀勝

宋 濤

題白雲巖

白雲巖在白雲間巖下千山與萬山莫向公卿容易

道恐伊來此一生閒

南安縣志

費德厚

多岳先生祠

天荒初破起鄉風東普聲名日愈隆回想國人矜式

處先生功倍蜀文翁

輿地紀勝

魏萬

富沙人

榴花洞

江山巧秀入禪扃四望仙源畫未真
萬壑好峯侵碧落一條流水隔紅塵
澗邊鹿跡知何代洞口榴花鎮日春
自恨聲名尙吞鎖無因長對社中人

三山志

魏寶光

遊君山

海角天高月滿山新亭清淚灑
爛斑春風吹斷興亡夢潮落潮生小石灣

江陰縣志

魏嗣孫

睢陽人

濂溪識行

分得廬山水一溪
濂名萬古合昭垂
光風霽月依然在肯與人間較盛衰

濂溪集附錄

傅文翁

小孤山

灩澦拓瞿塘二孤障
瀾螽大哉神禹功
天地相終始

安慶府志

傅西齋

三蕭行賀蕭丞定夫子登科

吾鄉前輩多風誼教子讀書全盛事劉斯立在慶厯

間斯立名立之姚璣榜二子同升俱上第原父賈黯榜後來嘉祐

孔長源長源名延之楊寅榜三子聯登相後先經父王後民榜常父許將榜毅

父彭汝元豐四謝更同榜謝懋特奏前名子舉一家壻榜

科第光燦然直到淳熙徐思叔亦與二子連芳躋又

報年來蕭定夫紹定兩科庭下玉二百年間能幾家

劉家孔家無以加才名學行摠名世不但官爵稱高

華謝家獨有民師著徐家大无鳴詩句人道蕭室父

子三前輩流風无讓處蕭公要是真醇儒家無他物

惟有書自家讀了教兒讀夜半書聲喧里閭造物負
公還不貧嘉定庚辰漢庭右此時二子已嶄然公曰
吾心汝其懋果然相繼取高科二哥饒着與三哥乃
翁笑向月中問吾家桂樹何其多月娥報道蕭家桂
生滿月中香滿世移過東山能幾年今日方教翁滿
意祝公此意令深長香名當使百世芳前賢事業遠
且大三劉三孔尤輝光世科膺仕公家有實聲莫落
謝徐後要知渝上一蕭家突過四家名字宙我曾與
公同薦名服公文行識公真更與賢郎共文社情誼
凜凜如霜均翻笑傳家三父子草亭老人空厲志曾

不得名於薦書僅有大兒前擢第小兒四度試春官
尙期他日修征鞍如今飢卧空山裏慨想前事悲汎
瀾喜聞令子歸錦里夜不能眠推枕起辦香寓作三

蕭行奇賀蕭公當雙鯉

截江網

傅宗教

無名木

峨峨九日峯下有千年木正異歲寒姿命受茲也獨
十圍鍊幹古百尺虬髯豔不以姓名顯肯爲封爵辱
畏名如畏虎終焉託巖伏何當大厦求一枝亦自足

泉州府志

秦君亭

隱君在何許遺跡此山阿
春風閉門處回首空烟蘿

泉州府志

思古堂

何人鑿山腹高堂跨崔嵬
悠悠百年事滾滾隨塵埃

棄置君莫問且復共此杯

泉州府志

蔡子彬

號玉田

報恩寺

似與空門有宿緣每游林下卽欣然
黃花翠竹三生

石皓月涼風一洞天曉砌猿煖齋鵠飯秋堂螢照定
僧輝淵明許入東林社猶欠平生酒債錢

宣德志

蔡崑

善卷壇

幾到壇邊登閣望因思遺跡詠今朝當時若爲重華
坐不是先生傲帝堯

輿地紀勝

蔡令將

遊虎邱

佳時結勝遊與子棹蘭舟路近雲烟霽巖深水木秋
臨風傷遠日感慨發詩愁樂事真難偶年光若轉頭

虎邱志

蔡純仁

句

太白當年客沔州
郎星出使此遲留

句
南紀樓

岷江浩浩接天浮
清漢東來遂合流

句

遠山簇簇水漫漫
鄂渚樓臺可俯觀

以上輿地紀勝

戴忱

泉州晉江人

蓮花峯

此石非頑石因成浩劫塵一蓮花不老過盡世間春

福建通志

戴俞

鳳鳴洞

一徑深行紫翠開冷雲秋日護崔嵬泉流古洞龍長

在石立空山鳳不來帝子空穿珠珮落仙禽巢廢玉

塵堆綠知此地成真境別是緱山舊月臺

上虞縣志

建都思

逍遙樓

逍遙留古迹勝景浩無窮霧鎖山城市煙藏水府宮
峯巒霄漢外棟宇畫圖中百草叢深綠羣花綻淺紅
粵西詩載

段讓

羅漢寺

解職歸來謝世譁東風閒步到僧家何時許我棲雲

楊夜掃寒爐煮雪花

山西通志

邵勉

竹山

房陵郡僻皆山川竹山更在房西偏道由房城絕險

阻高崖峻嶺相綿延

輿地紀勝

廖則逢

青龍巖

有泉瑩潔深猗窺齋溱溱深澗聲如鐘髣髴使我毛髮
豎中有高卧虬髯翁硤崖瀑布瀉明月驚溜觸石調
焦桐蠲煩析醒竟造此稽首匍拜元冥宮蜿蜒莫向
此中處天下蒼生待霖雨

湖南通志山川

廖斯任

字橫舟

遊金精次謝東野韻

跨鶴仙妹已九霄尙餘勝地景偏饒石盤洞口疑無
路水遶山根忽有橋樓殿雲栖迷曉日筠松風度響
寒潮番君可笑成癡絕妄擬陽臺珮輦邀

宋詩拾遺

過守約

嵯縣人

寶積寺

層雲作勢壓禪扃俗眼塵昏到易醒千憶樹排車蓋
翠萬螺山矗佛頭青夜將溪月澄心鏡春把巖花作
畫屏我欲期師不須出世途今險甚東溟

嵯縣志

慕容伯才

劔閣

劔嶺排峯鳥過遲蜀貪秦詐事堪悲若爲社稷思長
計肯把干將自倒持

輿地紀勝

謝儼

天倉山

何時鎖鑰入吾手盡發天倉賑世窮

輿地紀勝

謝圖南

黃龍洞

山水盤桓天地中幾多異事出仙宮玉龍嘶斷黃龍

現劍氣曾凌上大空

博羅縣志

謝無競

永嘉人

效香奩體

胭脂濕透汚羅衣春盡蕭郎又不歸香冷篆盤簷影

轉一簾紅雨燕雙飛

宋詩拾遺

謝與

慈航寺

渺渺烟波一釣舟幾行歸雁白蘋洲郭熙眼力今誰

從寫出江天烟雨秋

嘉定府志

謝朓

吳興人

題韓幹馬圖

圉人唐衣冠天閑畜神駿雖非金日磾不忝張景順
飽食無嫌身賤卑時其渴燥張飲之長年牧養瘠者
肥龍鬚鳳臆誇權奇韓幹仙翁揮翰手毫端幻出渴
烏首氣不凋喪骨肉勻藝精端繼王裴後遙想騰驤
析木津銜勒難拘自在身斗水底用求他人淥波汙
汙易水春

書畫
彙攷

况師點

聖齊院

迢迢幽境入松關四面雲藍分外寒長嘯一聲山谷

應洞深驚起老龍蟠

上高縣志

令狐壽域

官平泉丞

訪唐令狐公墓

聞說水東寺舊傳承相家小舟呼野渡瘦馬入梅花

龕像城容古岩鑄歲月賒子孫今替落相顧復咨嗟

輿地紀勝

鄭子信

金釵坡

古人隨水去不返此字與山留無窮

輿地紀勝

鄭許

池州

嶂沒千重霧江涵萬里天湘潭送波浪吳楚會風煙

輿地紀勝

鄭雪巖

提刑曾寶章宴陳安撫陳侍郎

聽得敷綸天上頭二星交會玉虹流風生三路軍容
壯春到雙江喜氣浮談笑預知傳露布勸酬只恐促
更籌會看印佩黃金斗肯羨當年定遠侯

安撫陳侍郎宴曾提刑

恰好鶯花一半春福星相會潁江濱丈人師吉符前
識比山守顙時補試出此題膚使心同掃舊塵看劒引盃宜醕酹

輕裘緩帶倍精神從今淨洗天河甲有詔催歸兩重
臣

彭知軍宴交代都運陳寶章

使輶嚴戒鼓逢逢熊軾頒春到此邦炳炳福星臨一
道融融愛日照橫江斷霞秋日閑飛鷺荒草寒烟不
吹龐臺府交歡同一體從今俗返古涓龐苑以上翰
新書

鄭德普

字汝施閩人

靈巖

山蒸雲氣晴能雨泉挾風聲夏亦寒

齊雪峯

石潤黏蒼蘚澗高流白雲

南樓

鴈斷風仍急烏啼天正陰

全閩詩話德普幼穎敏淹洽刻意爲詩與趙若櫟范師孔游有題靈巖齊雲峯南樓詩云

孟觀

登華頂峯

偶因華頂宿擡手摘星辰不敢高聲語恐驚天上人

天台續集

盛子充

永興人

萬卷閣

竹簡牙籤日滿前何妨心醉六經眠

輿地紀勝

鄧標

益陽人年十三卒

墨十歲作

一寸龍香一寸金仙家傳藥不傳心得來莫作尋常

看千載文光翰苑林

沅湘耆舊傳

祝父

垂虹亭

冷浸三江碧青圍四面山帆歸烟浪杪人住水雲間
風颭波聲碎虹垂雨意閒無端動歸興一棹喜輕還

吳郡文粹續集

樂詔

經藏院

夜深只見燈高下春盡不知口往還

輿地紀勝

畢公信

環翠堂

羣山關設險高屋照多陰晴嵐度丘壑疏翠上衣襟

環碧堂

方塘納霽景一碧共晴寒微波坐來息人意亦平寬

宋詩拾遺

吉康國

通利軍人與吉觀國俱登科見萬姓統譜

和運使修昇陽觀落成

被命經營始鳩工結構初深嚴開殿奧高敞稱樓居
室外飛簷巘岩隈下屋渠鐘聲薄霄漢祠事走邱墟
遯世誰能灑登高迥莫如崔遊三島駕人望五雲車
綺井風光潤疎寮月影舒威儀模紫極形勢輦堪興
池有泉珠舊壇空級石餘霓旌那復下絳簡更誰書
童子追前躅愚生泣太虛烟霞猶赫奕松竹自扶疎
封號方連進休祥已密儲躋茲仁壽域率土慶于胥

宋詩
拾遺

薛修竹

題梅山

薜荔壇高秋十分
漢時笙鶴杳無聞
平明一覺西風

夢吹落人閒半是雲

梅仙
觀記

薛如初

石雲

洞府標靈萬古傳
石雲呈瑞始何年
人間欲待爲霖
雨但看從龍起碧天

疑真宮

仙翁曾是便升真靈跡千年事轉新碧洞峯前開紫
府清溪門外隔紅塵祥雲瑞靄籠金殿羽蓋霓旌擁
玉晨今日勝遊誠有遇麻姑留我醉經春

以上天台續集

薛秉

七夕

紅蕖爛熳碧池香羅綺三千侍漢皇阿母暫來成底

事茂陵宮事已蒼蒼

朱詩拾遺

薛廷玉

楊州送別

匹馬揚州路香開幾樹花春光無揀擇淮地亦繁華

日沸長江水風昏古戰沙爭雄舊時事君去莫思家

宋詩拾遺

郭時雍

字子和官河東提舉按宋史隱逸傳邱雍忠

孝子字子和號白雲先生賜號冲晦處士不名

時雍亦未官提舉疑或另一人也

白雲廬

吾愛白雲雲愛吾朝朝暮暮伴吾廬從龍傍鳥隨他

去留與幽人作畫圖

朱詩拾遺

郭紹彭

三高祠

三君異代同清節百口流芳共一祠豈但吳江誇美
績要教今古慕英姿寒江釣雪堪供膽夜月垂虹直
可騎著腳豈容成默默祇緣題好愧留詩

吳都文粹續集

郭師元

雲洲

昭代元豐日雲洲致瑞祥氤氲浮嶺表精彩燦霞光
德政聞名邑文章冠試場二人符美應今古共流芳

萬安縣志

郭之義

朱詩九十一
廬陵人

遊東禪院

地去關城遠無人伴訪尋泉流溪路窄石聳洞門深
紫翠煙嵐懋清涼竹樹陰重來應更日解塵襟

汀州蒼玉
洞石刻

郝顯

湘山寺

偃蹇蒼松鎖翠巖邦人云是古湘山寺穿石磴高低
處塔聳雲烟吞吐間物外豈知塵世事箇中只許老
僧閒我來策杖登臨罷落日歸鴉自往還

廣西通志勝蹟

石詠堅

龍巖山

茫茫天地老洪崖太樸何年此鑿開一派靈源流不

盡教人疑是九天來

廣西通志山川

翟澥

字滄溟永嘉人

搗衣曲

寒蛩何處棲棲傍砧石月停砧問蛩鳴砧動蛩復歇
似鳴辛苦心欲替征人說去年舊衣寄誰去今年新
衣織到曙卻移砧石來支機蛩鳴復在支機處

宋詩拾遺

翟天翼

磨崖碑

元公具述魯公書文篆相參翼軫區語氣一時揚盛
德詞鋒千古挫兇徒

輿地紀勝

易謙

過梧州

城空花爛樓向雨蕭條毒草春生瘴蠻江晚上潮
魚肥堪把釣鳳去不聞韶萬里雙持節恩波賴聖朝

宋詩拾遺

易時敏

上高人

陽樂故城

典午河山尙有名興從陽樂故城生夕陽門巷邱墟
久春草池塘野水平廢堞棲烏啼夜月閑壕留雁叫
寒更人民非處桃花在一度東風一度榮

以上上高縣志

易性中

龍虎山

雲氣蓬萊近山陰草樹香御風不知遠仙骨已清涼

龍虎山志

葉原賀

白石山

雲梯連石磴香樹鎖松關林壑疑無路神仙別有山

廣西通志山川

葉甲

句

滁陽富山水秀拔獨琅琊

輿地紀勝

門下士德清縣學生員胡恭壽校

宋詩紀事補遺卷九十一終